

**Ахборотдан фойдаланувчиларнинг
давлат статистика органларининг очик ҳайъат (кенгаш)
мажлисларида ҳозир бўлиши
ТАРТИБИ**

Мазкур Тартиб “Давлат ҳокимияти ва бошқаруви органлари фаолиятининг очиклиги тўғрисида”ги Ўзбекистон Республикаси Қонуни ҳамда Ўзбекистон Республикаси Адлия вазирлигида 2015 йил 22 декабрда 2742-сон билан рўйхатга олинган Ўзбекистон Республикаси Ахборот технологиялари ва коммуникацияларини ривожлантириш вазирлиги ҳамда Ўзбекистон матбуот ва ахборот агентлигининг 2015 йил 25 ноябрдаги 140-мх ва 05-сон қарори билан тасдиқланган “Ахборотдан фойдаланувчиларнинг давлат ҳокимияти ва бошқаруви органларининг очик ҳайъат мажлисларида ҳозир бўлиши тартиби тўғрисидаги намунавий низом”га мувофиқ ишлаб чиқилган бўлиб, ахборотдан фойдаланувчиларнинг давлат статистика органларининг очик ҳайъат (кенгаш) мажлисларида ҳозир бўлиши тартибини белгилайди.

1-боб. Умумий қоидалар

1. “Давлат ҳокимияти ва бошқаруви органлари фаолиятининг очиклиги тўғрисида”ги Ўзбекистон Республикаси Қонунининг 7-моддасига асосан, давлат ҳокимияти ва бошқаруви органларининг фаолияти тўғрисида ахборот излашни амалга ошираётган жисмоний ёки юридик шахс ахборотдан фойдаланувчи ҳисобланади.

2. Ўзбекистон Республикаси Вазирлар Маҳкамасининг 2003 йил 8 январдаги “Ўзбекистон Республикаси Давлат статистика кўмитаси фаолиятини ташкил этиш тўғрисида”ги 8-сон қарори билан тасдиқланган “Ўзбекистон Республикаси Давлат статистика кўмитаси тўғрисида низом”га мувофиқ, Давлат статистика кўмитасида – ҳайъат мажлислари, Давлат статистика кўмитасининг 2012 йил 16 июлдаги 29-сонли буйруғи билан тасдиқланган Қорақалпоғистон Республикаси, вилоятлар ва Тошкент шаҳар статистика бошқармаларининг (кейинги ўринларда ҳудудий статистика бошқармалари деб юритилади) низомларига мувофиқ, ҳудудий статистика бошқармаларида – кенгаш мажлислари ўтказилади.

3. Мазкур Тартиб талаблари Давлат статистика кўмитаси ҳамда ҳудудий статистика бошқармалари томонидан очик ҳайъат (кенгаш) мажлисида иштирок этиш учун таклиф этилган шахсларга нисбатан татбиқ этилмайди.

4. Давлат статистика кўмитаси, ҳудудий статистика бошқармаларининг ҳайъат (кенгаш) мажлислари очик тарзда ўтказилади, қонун ҳужжатларида назарда тутилган ҳоллар бундан мустасно.

5. Давлат статистика кўмитаси ҳамда ҳудудий статистика бошқармаларида, ахборотдан фойдаланувчиларнинг танишиб чиқишлари учун бинонинг ҳамма кириши мумкин бўлган хоналарида ва (ёки) махсус ажратилган жойларида очик ҳайъат

(кенгаш) мажлисларини ўтказиш режалари, шу жумладан мажлисларнинг кун тартиби лойиҳалари, улар ўтказиладиган сана, жой ва вақт ҳамда бошқа зарур ахборотлар ахборот стендлари ва (ёки) ўз расмий сайтларига мажлис ўтказилишидан камида уч кун олдин жойлаштирилиши шарт.

Ахборот стендлари ва расмий сайтга мазкур банднинг биринчи хатбошида кўрсатилган ахборотларни жойлаштириш ҳайъат (кенгаш) масъул котибига юклатилади.

2-боб. Ахборотдан фойдаланувчиларнинг очик ҳайъат (кенгаш) мажлисларида ҳозир бўлиши

6. Ахборотдан фойдаланувчи Давлат статистика қўмитаси, ҳудудий статистика бошқармаларининг очик ҳайъат (кенгаш) мажлисларида ҳозир бўлиш учун тегишли давлат статистика органига сўров билан мурожаат қилади. Сўров “Давлат ҳокимияти ва бошқаруви органлари фаолиятининг очиклиги тўғрисида”ги Ўзбекистон Республикаси Қонунининг 20-моддасида белгиланган талабларга мувофиқ расмийлаштирилиши лозим.

Ахборотдан фойдаланувчининг идентификациялаш имкониятини берадиган маълумотлар кўрсатилмаган сўровлар аноним ҳисобланади ва кўриб чиқилмайди.

7. Сўров келиб тушган куни у тегишли давлат статистика органи томонидан мазкур Тартибнинг иловасига мувофиқ шаклдаги алоҳида махсус журналда рўйхатга олинади ва зудлик билан кўриб чиқилади. Мазкур журнал ҳайъат (кенгаш) масъул котиби томонидан юритилади.

8. Сўровга асосан ҳайъат (кенгаш) масъул котиби ахборотдан фойдаланувчини очик ҳайъат (кенгаш) мажлисида иштирок этувчилар рўйхатига киритади ҳамда бу ҳақда ахборотдан фойдаланувчига маълум қилади. Очик ҳайъат (кенгаш) мажлисининг ўтказилиш санаси, вақти ёки жойи ўзгарган тақдирда, бу ҳақда ахборотдан фойдаланувчига маълум қилинади.

9. Ахборотдан фойдаланувчилар очик ҳайъат (кенгаш) мажлисига шахсини тасдиқловчи ҳужжати асосида киритилади.

10. Ахборотдан фойдаланувчи очик ҳайъат (кенгаш) мажлисига келмаган тақдирда, ҳайъат (кенгаш) масъул котиби томонидан бу ҳақда махсус журналга ёзиб қўйилади.

11. Давлат статистика органлари ўз имкониятларидан ҳамда ахборотдан фойдаланувчилар сонидан келиб чиқиб, очик ҳайъат (кенгаш) мажлиси ўтказиладиган залда ахборотдан фойдаланувчилар учун жой тайёрлайди. Ахборотдан фойдаланувчилар очик ҳайъат (кенгаш) мажлиси ўтказиладиган залга махсус журналдаги қайд этиш кетма-кетлиги асосида жойлаштирилади.

Ахборотдан фойдаланувчилар сонининг кўплиги сабабли, уларни очик ҳайъат (кенгаш) мажлиси ўтказиладиган залга жойлаштириш имкони бўлмаган тақдирда, улар очик ҳайъат (кенгаш) мажлисининг боришини видео тасвир орқали монеликсиз кузатиб боришлари мумкин бўлган хонага жойлаштирилиши мумкин.

12. Давлат статистика органлари томонидан ўз имкониятларидан келиб чиқиб, ахборотдан фойдаланувчилар очик ҳайъат (кенгаш) мажлисининг боришини видео тасвир орқали монеликсиз кузатиб боришлари мумкин бўлган алоҳида хона жиҳозлаб қўйилиши мумкин.

13. Ахборотдан фойдаланувчилар очик ҳайъат (кенгаш) мажлиси бошлангунга қадар белгиланган жойга етиб келиши, рўйхатдан ўтиши ва белгиланган жойга ўтириши лозим. Ахборотдан фойдаланувчилар раислик қилувчи томонидан мажлис бошланганлиги эълон қилингандан сўнг келган тақдирда, кечикиб келган ҳисобланади ва ҳайъат (кенгаш) мажлисига қўйилмайди ҳамда бу ҳақда махсус журналга ёзиб қўйилади.

14. Ахборотдан фойдаланувчи тегишли давлат статистика органи томонидан тасдиқланган очик ҳайъат (кенгаш) мажлисининг регламентида белгиланган тартибда мажлисда ҳайъат (кенгаш) аъзоларига саволлар билан муурожаат қилиш ҳуқуқига эга.

15. Ахборотдан фойдаланувчи томонидан ҳайъат (кенгаш) мажлислари давомида ҳайъат (кенгаш) мажлиси муҳокамасига тааллуқли бўлмаган ва ушбу мажлисда муҳокама қилинмаган масалалар бўйича фикр-мулоҳазалар билдирилган ёки саволлар билан муурожаат этилган тақдирда, унга мазкур масала бўйича ахборот олиш тартиби тушунтирилади.

16. Ахборотдан фойдаланувчи ҳайъат (кенгаш) мажлиси ўтказилаётган вақтда тартибни бузмаслиги шарт. Ахборотдан фойдаланувчи мажлис ўтказилаётган вақтда тартибни бузган тақдирда, раислик қилувчи томонидан огоҳлантирилади.

Ахборотдан фойдаланувчи тартибни такроран бузган тақдирда, у раислик қилувчи томонидан мажлис ўтказилаётган залдан чиқариб юборилади. Мазкур ҳолат юзасидан ҳайъат (кенгаш) масъул котиби далолатнома тузади, далолатнома раислик қилувчи томонидан имзоланади ва бу ҳақда махсус журналга ёзиб қўйилади.

17. Ахборотдан фойдаланувчиларга очик ҳайъат (кенгаш) мажлисини фотосуратга, видео тасвирга олишга, овоз ёзиш воситаларидан фойдаланишга рухсат берилмайди.

18. Ҳайъат (кенгаш) мажлиси баённомасида очик ҳайъат (кенгаш) мажлисларида ҳозир бўлган ахборотдан фойдаланувчиларнинг иштироки ҳақида тегишли маълумотлар кўрсатилиши лозим.

Ахборотдан фойдаланувчиларнинг
давлат статистика органларининг
очик ҳайъат (кенгаш)
мажлисларида ҳозир бўлиши
тартибига илова

**Очик Ҳайъат (кенгаш) йиғилишида иштирок этиш учун мурожаат қилган
ахборотдан фойдаланувчиларнинг сўровларини рўйхатга олиш журнали***

Т/р, қабул қилинган сана	Жисмоний шахснинг ФИО, яшаш манзили (Республика, вилоят, туман, шаҳар, ҚФЙ, маҳалла, кўча ва уй (хонадон) рақами) <i>ёки</i> Юридик шахснинг тўлиқ номи, манзили (почта манзили), вакилининг ФИО, телефон рақами**	Мурожаат шакли (ёзма, оғзаки, электрон шаклда)	Мурожаатнинг асосий мазмуни	Раҳбарият кўрсатмаси	Жавобнинг мазмуни: ижобий ҳал этилди; тушунтирилди; рад этилди	Жавоб хатининг тартиб рақами, санаси, шахсан олиб кетилганлиги ёки почта, электрон почта орқали юборилганлиги, телефон орқали хабардор қилинганлиги ҳақида маълумот	Изоҳ
1	2	3	4	5	6	7	8

*Изоҳ: Журнал варақлари рақамланади, ип ўтказиб тикилади, Қўмигада Ишлар бошқармаси (худудий статистика бошқармаларида Умумий бўлим) бошлиғи томонидан имзо қўйиб тасдиқланади ва тегишли муҳр билан муҳрланади. Ҳар беш йил учун алоҳида журнал юритилади.

** Телефон рақами мурожаат эгасининг хошишига қараб ёзилиши мумкин.